

De Prince van Orangien, Grave van
 Nassau, Heere ende Baron van Breda, van
 Diest, &c. Stadthouder Generael van Holland,
 Zeelandt, &c.

E Erweerdichste, *Edele*, lieve, bysondre. Alsoo wy om die
 groote occupatien die wy dagelijcx hebben in de Maje-
 steyts dienste ende welvaert vanden Lande, wy tot noch
 toe niet en hebben ghevouchelijck kunnen komen by
 U. L. ende vaceren in de affairen vanden Lande van Zeelandt,
 als wy wel souden begeert hebben, ende alsnoch kleyne appa-
 rentie sien 't selve in Persoone te moghen doen, hebben wy in
 onse plaetse, ende van onsen lieven ende eenigen Soone Philips
 Willem van Nassau, Grave van Buyren, &c. als eerste *Edele* van
 Zeelandt voorz, gecommitteert ende ghesteekt den Balju des
 Stede van Middelburch, Pieter Haecke, om voortaan te ver-
 staen van onsen weggen, ende onsen voorz Soone, van allen
 affairen ende saecken vanden selven Lande, naementlijck tot
 hooren ende sluytinghe van 's Landts reeckeninghe, alles nae-
 volgende den teneur van syne Commissie, die wy hem daer van
 doen expedieren hebben, ende omme onsen voorz Gecommit-
 teerde te affisteren, hebben noch ghedeputeert Philibert van
 Seroofkercke, ende Jaecques van Heerent-hout, in 't quartier
 van Bewester-schelde, ende in Beooster-scheld, Adolff van
 Haemstede, Joos vande Werve, ende Adolph van Borsselen,
 U. L. versoeckende, die voorz onse gecommitteerde t'aen-
 hooren, met henlyyden communiceren, tracteren, ende resol-
 veren, soo dat behooren sal, ende voorts alles te doen dat tot
 vord-

vorderinghe van Syne Majestejts dienste, ende welvaren van
 den Lande wesen sal moghen. Eerweerdichste, *Edele*, lieve,
 bysondre, onse Heere Godt zy met U. L. Gheschreven tot
 Brussel den 13. October 1562. Onder stont, U goede vrunt,
Guillaume de Nassau. Op den dorso van den Brieff stondt, den
 Eerweerdichsten Bisschop ende Prelaet van Middelburch,
Edelen ende Steden, representerende de Staten vanden Lande, ende Graeffe-
lickheydt van Zeelandt, ende was gecachetteert met het Cachet
 van den Heere Prince van Orangien.

[Faint, mostly illegible text, likely bleed-through from the reverse side of the page]

D 2

Philips